

Qeqqata Kommuniani atuarfeqarfiup aqunneqarnera pillugu ileqqoreqqusaq

Aallaqqaasiut.

Qeqqata kommuniani atuarfeqarnermut pingaartitat tunngaviit

Atuarfik pillugu Inatsisartut Inatsisaat nr. 15, 3. decembari 2012-meersoq aallaavigalugu, Qeqqata Kommuniani Kommunalbestyrelsip atuarfeqarfiit aqunneqarnissaannut pingaartitat tunngaviit aalajangersarpaat:

“§ 44. Atuarfinni siulersuisut oqaaseqaateqartereernerisigut kommunalbestyrelse kommunimi atuarfeqarfiup aqunneqarnera pillugu ileqqoreqqusaliussaaq. Ileqqoreqqusap makku pillugit aalajangersakkat ilaatigut imarissavai:

- 1) angajoqqaat ilaasortaaitaasa atuarfiup siulersuisuini amerlassusissaat,*
- 2) atuarfiup siulersuisuini taaseqataasinnaanani ataatsimeeqataasartussamik pisariaqartitsineq naapertorlugu toqqaaneq, tak. § 45, imm. 4,*
- 3) atuarfiup siulersuisuini ilinniartitsisut atuartullu ilaasortaaitassaannik qinersinermi periusissat,*
- 4) kommunalbestyrelsip § 45, imm. 10 malillugu angajoqqaat ilaasortaaititaannik qinersisarneq kipungasumik pisassasoq aalajangersimaneraa, amma*
- 5) kommunip atuarfeqarfiani ataatsimoorluni siunnersuisartoqatigiinusinnaasut katitigaanerat.*

Imm. 2. Ileqqoreqqusap imarissavaattaaq pisinnaatitaaffiit § 43, imm. 4 naapertorlugu atuarfiup siulersuisuinut isumagisassanngortitaasimasinnaasut allaaserinerat.

Imm. 3. Ileqqoreqqusamut ilanngussami allanneqassapput kommunalbestyrelsip atuarfiup ilusiligaanera il.il. pillugit aalajangiineri, tak. § 43, imm. 2, nr. 3-miit 7-imut.

Imm. 4. Naalackersuisut ilitsersuutaasumik nalinginnaasumik ileqqoreqqusaliussapput.”

Pingaartitat tunngaviinut anguniagassat tassaapput, peqqinnartumik toqqissimasumillu ilinniarnissamut avatangiisinik pilersitsinissaaq, aammalu atuartunut ataasiakkaanut namminersorluni eqqarsarsinnaanermut aammalu isorinnittumik isummersinnaanerinik qaffassaassalluni – taamatuttaarlu nammineq isummanik oqaasinngortissinnaanermik pissuseqarneq, aammali misigissutsit kiisalu angusaqarusussuseq, allanngorsinnaaneq, pimoorussineq nutaaliorsinnaanerlu qaffassarneqassallutik.

Atuartsinerup atuartoq iluaqutaasunik ilisimasanik, suleriaatsinik sulianullu piginnaasanik pissarsinissamik periarfissiissaaq, ilinniaqqinnissamut inuutissarsiornissamullu inuttut piginnaasaqalersissallugu piareersassallugulu kiisalu tamatigoortumik oqariarsinnaanermik oqaatsitigullu piginnaasaqalersinissaaq.

Atuarfimmi ulluinnarmut sulinermullu atuartsineq sinaakkusiisuussaaq, taamaalilluni atuartoq nammineq naleqassutsimik tatiginninnermillu ineriartortitsissalluni, taamatullu suleqatigiinnermut piginnaasaqalersitsissalluni, akisussaassuseqarnermik misigilersitsissalluni inoqatiminullu ataqqinninnerminik ineriartortitsissalluni.

Atuartup inuiaqatigiinni kinaassutsimik, kulturimik nalgisanik ilisimasaqalersinissamut paasinninnissamullu ineriartortitsineranut, inuiaqatigiinnullu allanut ilisimasaqalersitsineranut paasinninnermullu, naalackersueqataanermik eqqarsartariaaseqalersitsineranut namminerisamillu pisinnaatitaaffinnik pisussaaffinnik ilisimasaqalersinermut, taamatullu inuiaqatigiit ineriartornerannut pinngortitamullu

attuumassuteqarneranut akisussaaqataa neramik ilisimasaqalernermut atuarsiup ingerlanneqarnerani tunngavilerneqassaaq.

Atuartitsinerup aaqqissuusaanera, taassumalu iluani atuartitseriaatsinik suleriaatsinik, periutsinik, atuartitsinerup atortunik toqqaaneq, tamakku tamarmik fagini tamani meeqqat atuarsiup siunertaritanut naammassinnittussaavoq, alloriarfinni ataasiakkaani anguniakkat, fagini ataasiakkaani suliaqarfinnilu siunertat, ilinniartitsinissamullu anguniakkat ilinniartitsinissami pilersaarummi allassimassapput. Atuartut ataasiakkaat pisariaqartitaat naatsorsuutigisaannullu naapertuuttumik atuartitsineq allanngorartinneqassaaq. Anguniakkanut naammassinneqarniartunut aalajangiinerup ilinniartitsisoq atuarsiup ataavartumik suleqatigiissapput. Anguniakkanut naapertuuttumik atuarsiup suliai aaqqissuunneqassapput.

Suleriaatsinik, periutsinik atuartitsinissamilu atortussianik toqqaalluni aalajangiineq ilinniartitsisut, atuarsiup angerlarsimaffiullu akunnerminni suleqatigiinnikkut ingerlanneqassaaq.

Atuarsiup angerlarsimaffiullu pitsaasumik suleqatigiinnerat, atuarsiup pitsaasumik atuarsiup ingerlanerannut pingaaruteqarpoq. Atuarsiup angerlarsimaffiullu atuarsiup sunniuteqarnerat akisussaanerallu suleqatigiinnikkut pigiinnarneqassaaq ingerlanneqarlunilu.

Atuarsiup ataatsimiinnerup aammalu atuarsiup pillugit oqaloqatigiinnerup peqataasaneq suleqataallu arnerlu atuarsiup angerlarsimaffiullu pitsaasumik suleqatigiinnerannut pingaaruteqarpoq.

Atuarsiup siunissami ilinniaqqinnissamut, inuutissarsiornissamut aammalu sunngiffimmi eqeersimaartumik inuunneqarnissaannut piginnaasaqarlunissamut, atuarsiup ingerlatsinerup qulakkiissavaa.

Qanorluunniit tunuliaquteqaraluarpata, piginnaasaqaraluarpata inunnguuseqaraluarpataluunniit atuarsiup tamanoortuussaaq.

Atuarsiup ineriartortinneqartuussaaq. Ima paasillugu atuarsiup sulisullu ineriartorsinnaaqullugit avatangiisinik ilikkarfiusussanik pilersitsisoqassalluni. Taamaalluni atuarsiup sullissinermigut peqataajuartuussaaq, ilaatigut atuarsiup pingaartitanik tunngaviusunik, ilisimasanik nutaanik, periutsinik suleriaatsinillu nutaanik ineriartortitseqataassalluni.

Ineriartortitsinerup sammisumik atuartitsinerup tunngaviit tassaapput sulisut pikkorissut pimoorussisullu. Suliamut inuttullu ineriartornissami sulisoqarnerup politikki ullutsinnut naapertuutissaaq, taassumap ataani ilinniaqqinnerit, tapertamik ilinniarnit pikkorissarnerillu.

Atuarsiup siunertaa tunngavialu

(Inatsisartut Inatsisaanni § 2)

Atuarsiup angerlarsimaffik suleqatigalugu pisussaaffigaa:

- 1) ilikkagassanik pisinnaasassanillu pisariaqartunik tamanik atuarsiup pissarsitissallugu,
- 2) atuarsiup piginnaasai ineriartortissallugit, peqqissutsikkut, inooqataaikkut misigissutsitigullu ineriartortineq ilaatillugu,
- 3) atuarsiup toqqissimasumik namminersortumillu inooqataalernissaanut peqataassalluni,
- 4) tatisimaneqanngitsumik isumaliorsinnaaneq akaarinninnerlu atuarsiup siuarsassallugit, kiisalu

5) atuartut akornanni aamma ilinniartitsisut atuartullu akornanni akisussaaqatigiinneq suleqatigiinnerlu nukittorsassallugit.

6) atuartut immikkut pisariaqartitalit immikkut isiginiarneqassasut.

Imm. 2. Atuarfiup ilikkartitsiniarnermini avatangiisit peqqinnartut toqqissisimanartullu neqeroorutigissavai, taamaasiornermigullu atuartup namminersortumik eqqarsarsinnaanera, akuersaaginnarani nammineq isummersinnaassuseqarnerminik piginnaassusai, isummaminik, nammineq isiginnittaatsiminik misigissutsiminillu oqaatiginnissinnaassuseqarnera kiisalu anguniakkaminik angusiniarsinnaassutsimigut, allanngortitseriarsinnaassutsimigut, tunniussimassutsimigut pilersitseriarsinnaassutsimigullu piginnaasai siuarsassallugit.

Imm. 3. Atuarfiup atuartitsinermini atuortoq piginnaasassanik, suleriaatsinik atuagarsornikkullu piginnaasassanik iluaqutaasussanik pissarsinissamut periarfississavaa, taakkununga ilaatinneqassapput atuartup piginnaasaminik ineriartortitsisinnaanissaa, ilinniagaqarnissamut inuutissarsiutitaarnissamullu piareersarnej kiisalu tamatigoortumik saqqummiusseriarsinnaaneq oqaatsinillu piginnaasat tamatigoortut.

Imm. 4. Atuarfiup ulluinnarni ingerlatsinini sulininilu imatut sinaakkusersussavaa, atuortoq imminut naleqartinnerminik, imminut tatiginerminik, suleqateqarsinnaassuseqarnerminik, akisussaassuseqarnerminik inunnullu allanut ataqqinninnerminik ineriartortitsisinnaalersillugu.

Imm. 5. Atuarfiup suliadini tamani atuartup inuiaqatigiinni kinaassutsiminik, kulturiminik pingaartitaminillu paasinninnerminik ilisimasaminillu ineriartortitsinissaa tunngavilissavaa, inuiaat allat kulturiinik ilisimasaqarnera paasinnissinnaaneralu ineriartortissavaa, oqartussaaqataaernerminik eqqarsartaatsimut iseriartuaartinneqarnissaa isumagissavaa kiisalu oqartussaaqataaernerminut, pisinnaatitaaffeqarnerminut, pisussaaffeqarnerminut inuiaqatigiillu ineriartornerannut pingortitamullu naleqqussarniarnerminut atuartup nammineq akisussaaqataaernerminik paasinnissinnaanera ineriartortissallugu.

Kapitali 1.

Kommunalbestyrelsi

(Inatsisartut Inatsisaanni § 43)

§ 1

Kommunalbestyrelse kommunip atuarfeqarfiinut qullersaalluni akisussaavoq nakkutigissallugulu kommunimi meeqqat atuartitaasussaataasut tamarmik atuarfimmum allatsinnissaat imaluunniit atuarfimmi nalinginnaasumik piumasarisassanum nallersuuttumik atuartitaanissaat. Kommunalbestyrelsip atuarfinni ingerlatsinermut anguniagassat sinaakkutissallu aalajangersassavai. Kommunalbestyrelse atuarfiit ingerlatsinerannik ataavartumik nakkutilliisuvoq, taassuma ataani atuarfiup Inatsisartut inatsisaanni matumani aalajangersakkanik eqqortitsinersut nakkutilliissalluni.

Imm. 2

Kommunalbestyrelsip makku aalajangiiffigisassavai:

1. Atuarfeqarfiinut aningaasaliissutit atuarfiillu ataasiakkaat aningaasaqarnikkut sinaakkutissaat
2. Atuarfiit pisortaannik atuartitsisunillu atorfinitsitsineq soraarsitsinerlu. Atuarfiit pisortaannik ilinniartitsisunillu atorfinitsitsineq aalajangerneqartassaaq atuarfimmi pineqartumi siulersuisut oqaaseqaateqareernerisigut.

3. Atuarfiup ilusiligaanera, tamatumunnga ilanngullugit atuarfiit amerlassusissaat aamma atuarfiit ataasiakkaat alloriarfii, klassii, immikkut atuartitsineq immikkullu perorsaanikkut ikiorsiisarnerit Meeqqat atuarfii pillugit Inatsisartut Peqqussutaanni § 15-imi eqqartorneqartut kiisalu § 10 malillugu perorsaaneq tunngavigalugu nammineq piumassuseq naapertorlugu sammisassanik neqerooruteqarnerit. Aalajangiineq pisassaaq atuarfinni siulersuisut oqaaseqaateqareernerisigut.
4. Makku pillugit sinaakkutissat: klassinik pilersitsineq, atuartut tiimissaasa amerlassusissaat kiisalu immikkut atuartitsineq il.il.
5. Atuarfiit sumiiffinni ataasiakkaani inuiaqatigiit qaammarsaanermik peqatigiiffeqarnermillu suliaqartuunik, piumassutsiminnik meeqqanut inuusuttunullu suliaqartunik suleqateqarlutik sulinissaat, kiisalu innuttaasut soqutiginnittut allat suleqatigalugit kulturikkut suliniutinik ingerlatsinissaq ataqatigiissaarinissarluk pillugit nalinginnaasumik malittarisassat.
6. Atuarfiup pisortaanik naqitamik isumaqatigiissusiornissaq.
7. Apeqqutit allat atuarfinnut ataasiakkaanut isumagisassanngortitaanngitsut, taakkununnga ilaallutik atuarfinni allani atuartitaanissamut innersuussinerit, allatsinissaq atualernissarluk, atuarfimmi nerisitsisarneq aamma kommunimi atuarfiup atuagaateqarfeqarneranik aaqqissuussineq pillugit malittarisassat.

Imm. 3.

Kommunalbestyrelsip Inatsisartut peqqussutaani § 10, imm. 1, nr. 1-imiit 4-mut taaneqartuni atuartitsissutinut aamma atuartitsissutinut qanitariissunut atuartullu ilikkagassatut pilersaarutaannut tapiliussaata taamatullu Inatsisartut Peqqussutaanni § 10, imm. 1, nr. 5-imi taaneqartut sumiiffinni ataasiakkaani ilikkagassatut qinigassat pilersaarutaasa tapissaat, atuarfinni siulersuisut ataasiakkaat siunnersuuteqarnerisigut akuersissutigisassavai.

Imm. 4.

Kommunalbestyrelsip Inatsisartut Inatsisaat naapertorlugu pisinnaatitaaffini tamaasa ilaannaaluunniit atuarfinni siulersuisunut isumagisassanngortissinnaavai, taamaallaat pisinnaatitaaffiit nakkutilliusutut, aningaasaliisartutut sulisitsisutullu oqartussaaffeqarnermik tunngaveqartut pinnagit.

Imm. 5.

Ileqqoreqqusami matumani pisinnaatitaaffiit qanoq annertutigisut atuarfinni siulersuisunut isumagisassanngortinneqarsinnaaneri erserput.

Kapitali 2.

Ukiumoortumik nalunaarusiaq

(Inatsisartut Inatsisaanni § 47, imm. 12)

§ 2.

Ukiumi qaangiuttumi atuarfiup ingerlatsineranik imaqartumik kommunalbestyrelsimut ukiumoortumik nalunaarusiortassaaq, nalunaarusiaq pitsaasuussaaq ukiunilu tullinnguuttuni atuarfiussani sammisaqartitsinissamut pilersaarutini tikkuussisuussalluni, taassumap ataani immikkut suliniutigiffiusussat. Atuarfeqarfiit pitsaassusaannik ammasumik saqqummersitsinermut nalunaarusiaq peqataassaaq.

Kommunalbestyrelsip atuarfeqarfiit akisussaaffiinik nakkutillisinnaanerinillu ingerlatsinissamut periarfissaqarnissaaq ukiumoortumik nalunaarusiap siunertaraa. Ukiumut nalunaarusiap Kommunimi atuarfeqarfiit pillugit taamatuttaaq uppersaataavoq. Ukiumut nalunaarusiap kommunalbestyrelsimut meeqqat atuarfiinik isummernissamik, aalajangiinissamik malinnaanissamillu tunngaviliisuussaaq,

aammalu pisariaqassappat ingerlatitseqqissinnaassalluni. Ukiumut nalunaarusiap aammattaq oqaloqatigiinnittarnerit qaffassarneqarnissaanik peqataassaaq, kommunimilu atuarfeqarfinnik ingerlatsinermut susassaqtut akornanni naliliinermut pitsaassutsimillu ineriartortitsinermut ataavartumik suleqatigiinnerup ataqatigiisillugit aaqjissuussissalluni.

Ukiumut nalunaarusiap imarisaanik ilusilersorneranillu, kiisalu suliap aaqjissugaaneraniq kommunalbestyrelsi aalajangiissaaq, tassungalu atatillugu atuarfinnut ataasiakkaanut sinaakkutissanik aalajangiisinnaalluni.

Ukiumut nalunaarusiami meeqqat atuarfiini anguniakkanik sinaakkutinillu, Inatsimmut il.il. aammalu kommunip aalajangigaanik malinnittumik, aallaaveqarnissaanik aammalu atuarfeqarfiup ataatsimut kommuninilu atuarfinni tamani ersarissumik killiffinnik allaaserinnittumik imaqarnissaanik atuarfimmi pisortaq akisussaasuvoq. Kommunalbestyrelsip piumasaqaataasutut sinaakkusiussat iluani nalunaarusiaq suliarineqassaaq, kommunalbestyrelsiullu naliliineratigut paasissutissanik allanik imaqarsinnaalluni, taassumap ataani kommunip suliniuteqarfinni aalajangigaanik ilanngussamilu erniinnartumik takuneqarsinnaanngitsumik.

Ukiumut nalunaarusiap imarisassaa Kommunalbestyrelsip ilanngussami aalajangissavaa. Ukioq atuarfiusumi pineqartumi immikkut paasissutissanik pissarsiuffigerusutanik Kommunalbestyrelsi ataavartumik nalunaaruteqarsinnaavoq. Tunniussinissamik kingusinnerpaamik juulip 15-i pissaaq.

Atuarfiit ukiumut nalunaarusiaat kommunalbestyrelsip tullinguuttumi ataatsimiinnissamini suliarissavai.

Kapitali 3

Atuarfinni siulersuisut

(Inatsisartut Inatsisaanni § 45-mit § 47 ilanngullugu)

Katitigaaneri

§ 3.

Atuarfimmi uani atuarfiup siulersuisuinut ilaasortaapput: angajoqqaat ilaasortaataat 5, ilinniartitsisut ilaasortaataat 2 atuartullu ilaasortaataat 2:

- 1) 707 Atuarfik Kilaaseeraq
- 2) 801 Minngortuunnguup Atuarfia (Kommunens centralskole)
- 3) 802 Nalunnguarfiup Atuarfia

Imm. 2.

Atuarfinni ukunani atuarfiup siulersuisuinut ilaasortaassapput angajoqqaat ilaasortaataat 3, ilinniartitsisut ilaasortaataat 1 atuartullu ilaasortaataat 1:

- 4) 709 Napasup Atuarfia
- 5) 710 Atammiup Atuarfia
- 6) 711 Kangaamiut Atuarfiat
- 7) 803 Itillip Atuarfia
- 8) 804 Sarfannguup Atuarfia
- 9) 806 Qinnguata Atuarfia

Imm. 3.

Atuarfiup pisortaa atuarfinni siulersuisunut allatsiuvoq, atuarfinni siulersuisut ataatsimiinnerini taaseqataasinnaanani peqataasassaaq. Atuarfiup pisortaata

tullersortaa atuarfinni siulersuisut ataatsimiinnerini taaseqataasinnaanani peqataasinnaavoq.

§ 4.

Atuarfiup siulersuisuini ilaasortat tamarmik taasisinnaatitaapput, tak. imm. 2.

Stk. 2.

Atuartut ilaasortaatitaat suliat inunnut ataasiakkaanut tunngassutillit oqaluuserineqarneranni taasisutigineranniluunniit peqataasinnaanngillat taaseqataasinnaanatillu.

Qinersineq

§ 5.

Angajoqqaat ilaasortaatitaanik taakkulu sinniisuinik qinersineq Inatsisartut Inatsisaanni § 45 imm. 8 naapertorlugu ingerlanneqartarpoq.

Imm. 2.

Inuit atuarfimmi pineqartumi atuartitsisut suliffeqartut atuarfiup siulersuisuini angajoqqaat qinigaattut ilaasortasinnaanngillat.

Imm. 3.

Atuarfiup siulersuisuisa tamanna pillugu qinnuteqareernerisigut kommunalbestyrelsip aalajangiussinnaavaa, inuk kommunalbestyrelsimit toqqarneqartoq atuarfiup siulersuisuisa ataatsimiinnerini taaseqataasinnaatitaanani peqataasassasoq.

§ 6.

Ilinniartitsisut ilaasortaatitassa atakkualu sinniisussa atuarfiup pisortaata akisussaaffigisaanik ataatsimoorussamik qinersisitsinikkut qinerneqartassapput, tasanilu qinigassanngortittut qinigaasinnaassuseqartut akornannit taasisoqartassalluni.

Imm. 2.

Qinigaasinnaassuseqarput ilinniartitsisut atuarfimmi atorfeqartut tamarmik, kisianni atuarfiup pisortaa taassumalu tullersortigiunnagaa pinnatik. Taasisinnaatitaapput ilinniartitsisut atuarfimmi atorfeqartut tamarmik.

Imm. 3.

Ilinniartitsisup taasinerata ataatsimik naleqarpoq. Ilinniartitsisut ilaasortaatitaattut taassumunngalu/taakkununngalu sinniisussatut isigineqassaaq/isigineqassapput qinigassanngortittunit amerlanerpaamik/nik taaneqartoq/taaneqartut. Qinigassanngortittut amerlaqatigiinnit taaneqarsimappata, atuarfiup pisortaa taakkua akornanni makitsissaaq.

Imm. 4.

Qinersineq ukiut tamaasa ukiup atuarfiusup aallartinnerani pisassaaq, kingusinnerpaamik 01. oktober.

§ 7.

Atuartut ilaasortaatitaat sinniisussaallu atuartut siunnersuisoqatigiivisa siulersuisuanit (imaluunniit atuarfiup pisortaanit) ataatsimoorussamik qinersisitsineratigut qinerneqartassapput, tasanilu qinigassanngortittut qinigaasinnaassuseqartut akornanni taasisitsisoqassalluni.

Imm. 2.

Qinigaasinnaassuseqarlutillu taasisinnaatitaasut tassaapput atuarfimmi atuartut tamarmik.

Imm. 3.

Atuartut ataasiakkaarlutik tamarmik ataatsimik taasisinnaapput. Atuartut ilaasortaatitaattut taassumunngalu /taakkununngalu sinniisussatut isigineqassaaq / isigineqassapput qinigassanngortittunit amerlanerpaamik taaneqartoq / taaneqartut. Qinigassanngortittut arlaqartut amerlaqatigiinnit taaneqarsimappata, atuartut siunnersuisoqatigiivini siulittaasoq (atuarfimmi pisortaq) taakkua akornanni makitsisitsissaaq.

Imm. 4.

Atuarfinni atuartut siunnersuisoqatigiiviniq peqanngitsuni, ataatsimut qinersinissamut atuarfiup pisortaa atuartunik aggersaassaaq. Qinersineq § 7, imm. 3 aammalu imm. 6 naapertorlugu ingerlanneqassaaq, amerlaqatigiimmik taasisoqarsimappat, atuarfiup pisortaa taakkua akornanni makitsissaaq.

Stk. 5.

Atuarfinni taamaallaat ukiut 7-iat ilanngullugu atuartitsiviusuni atuartut atuarfiup siulersuisuini ilaasortaatitaqassanngillat. Atuarfiulli siulersuisuisa inassuteqaateqareer-nerisigut pisuni taamaattuni atuartut ilaasortaatitaqarnissaat kommunalbestyrelsip akuersissutigisinnaavaa.

Imm. 6.

Qinersineq ukiut tamaasa ukiup atuarfiusup allartinnerani pisassaaq, kingusinnerpaamik 1. oktober.

§ 8.

Atuarfiup siulersuisuiniq qinersereernerup kingorna atuarfiup siulersuisuisa siullermeerlutik ataatsimiinneranni siulittaasussarsiortoqartassaaq. Angajoqqaanit qinigaq utoqqaanersaq ataatsimiinnermik aqutsisuusassaaq.

Imm. 2.

Siulittaasoq atuarfiup siulersuisuini angajoqqaat ilaasortaatitaasa akornannit qinerneqassaaq.

Imm. 3.

Atuarfiup siulersuisuini ilaasortat tamarmik siulittaasussamik qinersinermi qinerseqataasinnaatitaapput.

Imm. 4.

Atuarfinni siulersuisuni ilaasortap taasinerata ataatsimik naleqarpoq. Qinigassanngortittoq amerlanernik taaneqartoq qinigaassaaq. Qinigassanngortittut arlaqartut amerlaqatigiinnik taaneqarsimappata, taakku akornannit taaseqqittoqassaaq. Taasisitseqqinnermi suli taasinerit amerlaqatigiippata ataatsimiinnermi aqutsisoq makitsinikkut qinersineq aalajangiiffigineqassaaq.

Ataatsimiittarnerit

§ 9.

Atuarfiup siulersuisuisa ataatsimiinneri matoqqasuupput.

Imm. 2.

Atuarfiup siulersuisuisa allat ataatsimiinnernut peqataaqqullugit aggersarsinnaavaat, apeqqutit taakkununga immikkut soqutiginaateqarsinnaasut suliarineqassagaangata.

Atuarfinni siulersuisut atuarfinnut tunngassuteqartut suliassat tamaasa suliarisinnaavai, taakkulu saniatigut inunnuat ataasiakkaanut tunngassuteqartut.

§ 10.

Atuarfiup siulersuisui ataatsimiittassapput tamanna siulittaasumit kissaatigineqarpat, imaluunniit siulersuisuni ilaasortat amerlanerussuteqartut tamanna kissaatigippassuk.

Imm. 2.

Siulittaasup ataatsimiinnerit qaqugukkut sumilu pinissaat aalajangertassavaa.

§ 11.

Siulittaasoq minnerpaamik ataatsimiinnissaq ullunik 14-inik sioqqullugu ataatsimiigiaqqusissaaq.

Imm. 2.

Siulittaasup ataatsimiinnermi oqaluuserisassat aalajangersassavai, oqaluuserisassanullu ilanngussat ilanngullugit ilaasortanut nassiunneqariissapput kingusinnerpaamik ataatsimiinnissaq ulluinnarnik sisamanik sioqqullugu. Ilaasortap ataatsimiinnermi oqaluuserisassanut ilanngussinissani kissaatigippagu, tamanna ataatsimiinnissaq ullunik arfineq-pingasunik sioqqullugu siulittaasumut nalunaarutigineqassaaq.

Imm. 3.

Immikkut ittumik pisoqartillugu siulittaasoq sivikinnerusumik piffissaliilluni ataatsimiigiaqqusisinnaavoq. Ataatsimiigiaqqusisoqartillugu sapinngisaaq naapertorlugu ataatsimiinnissaq sioqqullugu suliassat pillugit siulittaasoq ilaasortanut ilisimatitsissuteqartassaaq.

Imm. 4.

Atuarfiup siulersuisuisa ataatsimiinneranni oqaluuserisassat, nipangiussisussaataaneq pillugu inatsisitigut maleruaqqusaliat naapertorlugit killissaritinneqartut eqqaassanngikkaanni, tamanut ammatinneqassapput

§12.

Atuarfiup siulersuisui aatsaat aalajangiisinnaatitaapput:

1. atuarfimmi siulersuisut amerlanerussuteqartut ataatsimeeqataappata,
2. angajoqqaat ilaasortaataat amerlanerussuseqarpata.

Imm. 2.

Ilaasortat ornigullutik siulersuisut ataatsimiinnerinut taamaallaat peqataasinnaapput. Peqataaneq aamma ima paasillugu video atorlugu imaluunniit oqarasuaatikkut ataatsimiinnerit. Ilaasortaq allamik peqataatitsilluni ataatsimiinnermi sinniisoqartoqarsinnaangilaq.

§ 13.

Aalajangiinerni tamani nalinginnaasumik amerlanerussuteqarnikkut aalajangiisoqartassaaq.

Imm. 2.

Taasinerit naligiikkaangata siulittaasup taasineri aalajangiisuusassaaq.

Imm. 3.

Ilaasortaq taasisinnaatitaasoq allaganngorlugu taasisitsinissamik piumasaqarsinnaavoq.

§ 14.

Atuarfiup siulersuisuini aalajangiinerit pillugit allattaavinnut nalunaarsuisoqartassaaq. Allattaavinnut kikkut ataatsimiinnermut peqataanersut ataatsimiinnerit tamaasa allanneqartassapput. Allattaaviit ataatsimeereernerit tamaasa ilaasortanit ataatsimeeqataasunit atsiorneqartassapput.

Imm. 2.

Ilaasortap kialluunniit allaanerussuteqartumik isummernini allattaavinnut ilannguteqqusinnaavai atuarfiullu siulersuisuisa oqaaseqaataannut aalajangiinerinullu ilanngullugit nassiuteqqusinnaallugit.

Imm. 3.

Siulersuisut ataatsimiinnerini atuarfiup pisortaa allattaavinnut nalunaarsuissaaq, tak. aammali § 3, imm. 3.

Imm. 4.

Allattaaviit, nipangiussisussaataitanermut inatsisitigut maleruaqqusat naapertorlugit killissaritinneqartut eqqaassanngikkaanni, kikkunnulluunniit ammasuutinneqassapput.

Imm. 5.

Allattaaviup takussutissartaa ataatsimeereernerit tamaasa kingorna llinniartitaanermut immikkoortortaarfimmuut nassiunneqassaaq.

§ 15.

Kommunalbestyrelsi angajoqqaat ilaasortaatitaat atuartullu ilaasortaatitaat sulineranni aalajangersimasumik akissarsiaqartissavai. Atuartut ilaasortaatitaasa akissarsiaat angajoqqaat ilaasortaatitaasa akissarsiaasa pingajorarterutigissavaat.

Imm. 2.

Atuarfimmu atuartut amerlassusaat, alloriarnerit amerlassusaat, klassit amerlassusaat pisutsillu assingusut qajassuullugit Kommunalbestyrelsi ileqqoreqqusanik aalajangiisuvoq, atuarfinni siulersuisunut ileqqoreqqusat ataanut ilanngunneqartoq.

Pisinnaatitaaffiit pisussaatitaaffiillu

§ 16.

Atuarfiup siulersuisuisa sulinertik ingerlatissavaat anguniakkat sinaakkutissallu kommunalbestyrelsimit aalajangersarneqartut iluini, tak. § 1, atuarfiullu ingerlatsinera nakkutigissallugu.

Imm. 2.

Atuarfiup siulersuisuinut nutaanik qinersisoqareernermi, atuarfiup siulersuisuisut suliaqarnissamut sakkusaqartinniarlugit pikkorissarnissamik ilaasortat neqeroorfigineqassapput.

Imm. 3

Atuarfiup siulersuisuisa atuarfiup atuartitsinerata allanillu suliaqarnerata anguniagassartai aalajangersassavaat.

Imm. 4.

Atuarfiup siulersuisuisa ukiut atuarfiusut tamaasa, atuarfiup ukiumoortumik atuartitsinissamut pilersarusiaa akuersissutigisassavaat, tassanilu ilaatinneqassapput makku pillugit pilersaarutit:

1. atuartuttiimiisa amerlassusissaat,
2. atuartitsissutit tiimissaasa amerlassusissaat,
3. atuartitsissutini ataasiakkaani pikkorissaasarneq tunngavigalugu atuartitsissutillu akimorlugit ingerlatsisarnissanik aaqqissuussinerit,
4. sumiiffinni ataasiakkaani toqqagassat annertussusissaat,
5. atuarfimmi immikkut atuartitsineq,
6. perorsaaneq tunngavigalugu nammineq piumassuseq naapertorlugu sammisassatut toqqarsinnaasat annertussusissaat,
7. atuartut klassinut inissitsiterneqarneri,
8. atuarfiup angerlarsimaffiullu suleqatigiinnerat, tak. imm. 4.,
9. atuartup atuarnermi pissarsiai pillugit angerlarsimaffiit ilisimatinneqartarnerat,
10. ilinniartitsisut akomanni suliassat agguataarneqarnerat,
11. atuarnep nalaani atuartunut tamanut sammisassaqartitsiniutit aamma
12. atuarfiup sulisuinik pikkorissaasarneq ilinniartsiteqgittarnerlu.

Imm. 5.

Atuarfiup siulersuisuisa atuarfiup ingerlatai allat, tassunga ilanngullugit angerlarsimaffiup atuarfiullu atuartup atuartinneqarnermini ilinniartinneqarnissaminullu tunngasutigut ingerlanera pillugu isumasioqatigiittarnissaannut tunngasut, kiisalu atuarfiup angerlarsimaffiullu suleqatigiissutissaat allat malittarisassiussavaat.

Imm. 6.

Atuarfiup siulersuisuisa, aningaasatigut sinaakutissat atuarfimmut atuuttussatut aalajangersarneqarsimasut iluanni, atuarfiup aningaasartuutissatut isertitassatullu missingersersuutai akuersissutigisassavaat.

Imm. 7.

Atuarfiup siulersuisuisa atuartitsinermi atortussat akuersissutigisassavaat, torersaarnissarlu pillugu malittarisassat aalajangersartassallugit.

Imm. 8.

Tunaartarisassat kommunalbestyrelsimiit aalajangersarneqarsimasut iluanni atuarfiup siulersuisuisa akuersissutigisassavaat, kulturikkut ingerlataat ingerlanneqarnerat ataqaatigiissarnerallu atuarfiup ingerlataanut ilaatinneqassanersut, tak. § 1, imm. 2, nr. 5.

Imm. 9.

Ilinniartitsisunik pisortanillu atorfinitsitsinerit pillugit atuarfiup siulersuisui kommunalbestyrelsimut oqaaseqaateqartassapput, tak. § 1, imm. 2, nr. 2.

Imm. 10.

Atuarfinni siulersuisut atuartitsissutit atuartitsissutillu qanitariit Inatsisartut Inatsisaanni § 10, imm. 1, nr. 1-imiit 4-mut taaneqartut pillugit, atuarfiit ilikkagassatut pilersarusiaannut tapiutissanik kommunalbestyrelsimut siunnersuusiussapput, taamatullu Inatsisartut Inatsisaanni § 10, imm.1, nr. 5-imi taaneqartut sumiiffinni ataasiakkaani toqqagassat ilikkagassatut pilersarusiorneri siunnersuusiussallugit, tak. § 1, imm. 3.

Imm. 11.

Misiligaalluni inerisaanermilu suliat anguniakkanik sinaakkutissanillu kommunalbestyrelsimit aalajangersarneqarsimasunik qaangiisussaafillugit, atuarfiup siulersuisui kommunalbestyrelsimut inassuteqaateqartassapput.

Imm. 12.

Atuarfiup siulersuisui kommunalbestyrelsimut apequtit atuarfimmu pineqartumut tunngasut tamaasa pillugit oqaaseqaateqarsinnaallutillu siunnersuuteqarsinnaapput. Atuarfiup siulersuisui oqaaseqaateqartassapput, apequtit kommunalbestyrelsip atuarfiup siulersuisuinut saqqummiussai tamaasa pillugit.

Imm. 13.

Ukiut atuarfiusut naammassineri tamaasa atuarfiup siulersuisui kommunalbestyrelsimut ukiup ingerlasimaneranik nalunaarusiortassapput. Ukiumoortumik nalunaarusiami ukiup atuartitsiffiusussap tullissaani atuarfiup siulersuisuisa pingaarnerusutigut sammisassatut pilersaarutaat, ilanngullugu immikkut suliniuteqarfissat aalajangiisutillu allat, aqunneqarneranut ileqqoreqqusamut ilanngussatut kommunalbestyrelsimit aalajangiisutigineqartut, tak. ileqqoreqqusami matumani kapitali 2, aammattaaq ilaatinneqartassapput.

Imm. 14.

Aqunneqarnerani ileqqoreqqusanut ilitersuummi, kommunimi ilinniartitsisunut pisortanullu pikkorissarnernut ilinniaqqinnernullu kommunalbestyrelsi ingerlariaasissamut erseqqissaatinik aalajangiisaaq, tassunga ilanngullugu sulisunik ineriartortitsinermut oqaloqatiginninnermi ingerlariaasissat.

Imm. 15.

Atuarfiup siulersuisuisa ileqqoreqqusap matuma iluani suleriaasissartik namminneq aalajangersarsinnaavaat.

§ 17.

Siulersuisut minnerpaamik ukiumut ataasiarlutik angajoqqaat ataatsimiisittassavaat, atuarfiup ingerlatsinera oqallisigitillugu. Ataatsimiinnermi tassani ukiumoortumik nalunaarusiaq sammineqartassaaq, tak. § 2. Ataatsimiinneq novembarip 1-iutinnagu ingerlanneqassaaq.

Kapitali 4.

Pisinnaatitaaffiit isumagisassanngortinneqartut

(Inatsisartut Inatsisaanni § 43, imm. 4.)

§ 18.

Kommunalbestyrelsip aalajangiuppaa, kommunalbestyrelsip pisinnaatitaaffiisa arlaannaalluunnit atuarfinni siulersuisunut isumagisassanngortinneqassanngitsut.

Imm. 2.

Isumagisassanngortinneqarnernut aalajangiutaasinnaasut ileqqoreqqusamut ilanngussanngorneqassapput.

Kapitali 5.

Atuarfiup pisortaa

(Inatsisartut Inatsisaanni § 48)

§ 19.

Atuarfiup pisortaata suliassani isumagissavai atuarfeqarnermut Inatsisartut Inatsisaanni aalajangersakkat kiisalu atuarfimmi siulersuisut kommunalbestyrelsillu aalajangersagaat naapertorlugit.

Imm. 2.

Atuarfimmi pisortap atuarfimmi allaffissornikkut perorsaanikkullu aqutsinerit ingerlatarei, atuarfiullu ingerlanneqarneranut atuarfiup siulersuisuinut kommunalbestyrelsimullu akisussaasuulluni, taassanilu atuarfiup missingersuutaanut naammassinninnermut akisussaasuulluni.

Imm. 3.

Atuarfiup pisortaata suliassat atuarfimmi atorfeqartut akornanni agguataarlugillu aqussavai, atuarfimmilu atuartut pillugit aalajangigassat aalajangersimasut tamaasa aalajangiiffigisassallugit – atuartitsinerup aallartereernerani meeqqat atuarnissaanut ukiumik ataatsimik kinguartitsinissamut aalajangiinerit aammalu ukiuni qulingiluaani atuarfeqarnermi atuanninnissamut aalajangiinerit ilanngunnagit.

Imm. 4.

Atuarfimmi pisortap ingerlatsinini atuarfimmi atorfeqartut suleqatigalugit ingerlatissavaa.

Imm. 5.

Atuarfiup pisortaa, atuarfiup ukiumoortumik atuartitsinissamik pilersaarutaanik atuarfiullu suliassaanut allanut tunaartarisassanik, ukiut atuarfiusut tamaasa, atuarfiup siulersuisuinut siunnersuusiussaaq, tak. § 16 imm. 3 aamma 4, kiisalu atuarfiup aningaasatigut isertitassai aningaasartuutissaalu pillugit missingersersuutinik siunnersuuteqassalluni, tak. § 16 imm. 6, kommunalbestyrelsip aningaasatigut sinaakku-tissatut aalajangersagaasa iluanni, tak. § 1 imm. 2, nr. 1.

Imm. 6.

Atuarfiup pisortaata atuartitsinerup pilersaarusiorneqarnermigut aaqqissuunneqarnermigullu atuartunut tamanut unamminartoqartinneqarnissaa qularnaassavaa. Atuartitsinerup aaqqissuussaana, taassumalu iluaani atuartitseriaatsinik suleriaatsinik, periutsinik, atuartitsinermut atortunik toqqaaneq, tamakku tamarmik fagini tamani meeqqat atuarfiinut siunertanut naammassinnittuussapput, alloriarfinni ataasiakkaani anguniakkat, fagini ataasiakkaani suliaqarfinnilu siunertat, ilinniartitsinissamullu anguniakkat ilinniartitsinissami pilersaarummi allassimanissaat atuarfimmi pisortap qulakkiissavaa. Atuartut ataasiakkaat pisariaqartitaat naatsorsuutigisaannullu naapertuuttumik atuartitsineq allanngorartinneqassaaq.

Imm. 7.

Atuarfimmut ineriartortitsinissamut qaammarsaataasussanik paasissutissanik attuumassutilinnut tamanut atuarfimmi pisortap pissarsiarinissaanut qulakkeerinissamut pisussaavoq, tassunga ilanngullugu atuarfinni siulersuisuinut, kommunalbestyrelsimu Naalakkersuisunullu atugassanik misissueqqissaanermik piareersimanissamut qulakkeerinissaaq, tak. aammali § 2.

§ 20.

Atuarfiup pisortaata nakkutigissavaa atuartut atuarfimmi atuartussatut allatsissimasut tamarmik atuartitsinermut peqataanerat.

Imm. 2.

Atuarfiup pisortaata atuartut napparsimanermik akuerineqarsinnaasumilluunniit allamik pequteqaratik atuanngitsoorneri tamaasa atuarfiup siulersuisuinut ilisimatitsissutigisassavai.

Imm. 3.

Ilinniartitsisut atuartitsinermik ingerlatsineranik, tassunga ilanngullugu atuartitsinermi tamatigoortuunissamut piumasaqaatip nakkutiginissaa atuarfiup pisortaata isumagisassavaa, tak. § 19, imm. 6. Pissusissamisuumngitsumik atuartitsinerup ingerlanneqarnerani atuarfimmi pisortaqa akulerunnissaminut pisussaatitaavoq. Atuaritsinermik nakkutilliinerup ilagaa, pisariaqartitsineq naapertorlugu ilinniartitsisup atuartitsinerani isiginnaarneq, nakkutilliinermullu tapertatut ilinniartitsisut ineriartornermik oqaloqatiginninnerit naliliinerillu ingerlatissallugit, taamatullu ilinniartitsisut ataasiakkaat piginnaasaannik ineriartortitsinerup atuarfiullu ineriartortitsinerup ataatsimut isiginissai. Ilinniartitsisunik naliliinerit allaganngortinneqassapput. Assilineri ilinniartitsisumut tunniunneqassaaq.

Imm. 4.

Siuliini taakkartorneqartunut auarfimmi pisortap suliassai pillugit aalajangersakkat kommunalbestyrelsi ilitsersuummi aalajangersassavai, tassunga ilanngullugu atorfiup ingerlatsinerullu allaaserineri.

Imm. 5.

Kommunalbestyrelsi, kommunimi aqutsiveqarfik, atuarfimmi siulersuisut Namminersorlutik Oqartussallu paasissutissanik atuarfiup pisortaanut, inatsit atuuttoq malillugu suliaminnik ingerlatsinissamut pisariaqartitanik piumasaqarsinnaapput, tassunga ilanngullugu ileqqoreqqusami matumani aalajangersakkat malillugit.

Kapitali 6.

Perorsaaneq pillugu siunnersuisoqatigiit

Katitigaanera

§ 21.

Siunnersuisoqatigiini ilaasortaasut tassaapput atuarfiup pisortaa aamma sulisut atuartitsinermi suliassanik perorsaanikkullu suliassanik allanik ingerlataqartut tamarmik, tassunga ilanngullugu atuartut angerlarsimaffianut/atuartut inissiaanut attuumassuteqartut perorsaanermik sulisut.

Imm. 2.

Sammisassaqaartitsinerit perorsaaneq tunngavigalugu nammineq piumassuseq naapertorlugu aqqissuussat atuarfimmi ingerlanneqartarpata, tak. § 1, imm. 2, imm. 3, perorsaaneq pillugu siunnersuisoqatigiit atuarfiup pisortaanik sulisullu sinniisaanik inuttaqarpoq.

Imm. 3.

Siunnersuisoqatigiinnut ilaasortaat tamarmik siunnersuisoqatigiit ataatsimiinnerinut peqataasussaatitaapput.

§ 22.

Perorsaaneq pillugu siunnersuisoqatigiit atuariup pisortaa siunnersortassavaat kiisalu atuariinni ataasiakkaani perorsaaneq pillugu oqallinnermi inerisaanermilu isummer-soqatigiiffiusassallutik.

Imm. 2.

Atuariup siulersuisuisa atuariup pisortaa peqqusinnaavaat perorsaaneq pillugu siunnersuisoqatigiit oqaaseqaataannik pissarsiniaqqullugu.

Imm. 3.

Perorsaaneq pillugu siunnersuisoqatigiit namminneerlutik atuariup siulersuisuinut oqaaseqaateqarsinnaapput. Siunnersuisoqatigiit oqaaseqaataat tusarsiaanerup ingerlanerannut ilaangillat, taamaalillutik oqaaseqaatit sunniuteqaratik. Oqaaseqaatit atuariup pisortaa aqputigalugu saqqummiunneqartassapput, siunnersuisoqatigiit oqaaseqaatianut nammineq oqaaseqaatiminik ilanngussisinnaalluni.

Imm. 4.

Perorsaaneq pillugu siunnersuisoqatigiit atuartut siunnersuisoqatigiivi apeqqutini taakkununga tunngassuteqartuni tamani tusarniaavigisassavaat.

Ataatsimiittarnerit

§ 23.

Siunnersuisoqatigiit ataatsimiinnermi aqutsisussamik toqqaassapput, qinigaaffillu qanoq siviutiginissaanik aalajangiisuussallun. Siviunerpaamilli ukioq ataaseq. Ataatsimiinnermi aqutsisoq peqataasinnaatinnagu suliassaanik isumaginnittussamik kingoraartissamik toqqaasoqassaaq.

Imm. 2.

Atuarfimmi pisortap ataatsimiinnissat qaqugukkut sumilu pinissat aalajangertassavaa, ilaasortanik aggersaasassalluni aammalu oqaluuserisassallu aalajangertassallugit.

Imm. 3.

Oqaluuserisassat aalajangerneqartinnagit ataatsimiinnermi aqutsisoq eqqartueqatigineqassaaq.

§ 24.

Siunnersuisoqatigiit ataatsimiittassapput tamanna atuariup siulersuisuisa imaluunniit atuariup pisortaata kissaatigippassuk.

Imm. 2.

Atuariup pisortaa oqaluuserisassamik ilanngussiuannarsinnaatitaavoq.

§ 25.

Siunnersuisoqatigiit ataatsimiinneri piffissap atuartitsiffiusup avataani ingerlanneqassapput.

§ 26.

Ataatsimiinnermi aqutsisup siunnersuisoqatigiit allattaaviinut allattuisuussaaq. Ikinnerussuteqartut isummamik allattaavinnut naatsumik ilanngunneqarnissaat

siunnersuisoqatigiillu oqaaseqaataannut ilanngullugit nassiunneqarnissaat piumasarisinnaavaat.

Imm. 2.

Ataatsimiinneq naammassigaangat siunnersuisoqatigiit allattaaviinut allanneqartut atuarneqartassapput ataatsimiinnermilu aqutsisumit atsiorneqartassallutik.

§ 27.

Perorsaaneq pillugu siunnersuisoqatigiit suleriaasissartik namminneq aalajangersassavaat ileqqoreqqusap uma sinaakkusiussaasa iluanni.

Kapitali 7.

Atuartut siunnersuisoqatigiivi

Katitigaanera qinersinerlu

§ 28.

Atuarfinni tamani atuartut siunnersuisoqatigiivi pilersinneqassapput.

Imm. 2.

Atuarfinni mikinerusuni atuarfiup siulersuisui aalajangiisinnaapput, atuartut siunnersuisoqatigiivisa suliassaat atuartut tamarmik peqataaffigisaannik ingerlanneqassasut.

Imm. 3.

Siunnersuisoqatigiit atuartunut tamanut sinnissuussapput.

Imm. 4.

Atuartut namminneq aalajangissavaat atuartut siunnersuisoqatigiivisa katitigaanerat qanoq ittuussanersoq, qanorlu qinersisoqartassanersoq.

Imm. 5.

Ukioq atuarfiussap aallartinneri tamaasa atuartut siunnersuisoqatigiivinut qinersineqartassaaq.

Pisinnaatitaaffii

§ 29.

Atuartut siunnersuisoqatigiit atuartut soqutigisaat pillugit oqallinnerni isummersoqatigiiffiusassapput.

Imm. 2.

Atuartut siunnersuisoqatigiivi nammineerlutik atuarfiup siulersuisuinut, atuarfiup pisortaanut, perorsaanermi siunnersuisoqatigiivinut siunnersuisoqatigiinnullu allanut, ileqqoreqqusaaq una malillugu pilersitatnut oqaaseqaateqarsinnaatitaapput. Oqaaseqaatit taamaattut atuarfiup siulersuisuinut siunnersuisoqatigiinnullu allanut atuarfiup pisortaatigoortillugit ingerlatinneqartassapput.

Imm. 3.

Atuarfiup siulersuisuisa atuarfiup pisortaa atuartut siunnersuisoqatigiivisa isumaannik tusarniaaqqullugu piunnaaffigisinnaavaat.

§ 30.

Atuartut siunnersuisoqatigiivi pisariaqartitsineq naapertorlugu ataatsimiittassapput namminnerlu suleriaasissartik aalajangersassallugu. Atuartut siunnersuisoqatigiiviup suliaqarnerani atuarfimmi pisortaq ikiuuttassaaq, aalajanngikkanullu allattaavinnut allattuisoqarneranik qulakkeerinnittassalluni. Atuartut siunnersuisoqatigiivinut suliannullu attaveqarfissatut ilinniartitsiumut kommunalbestyrelsimit akuerisaasumut atuarfiup suliassaq isumagisassanngortissinnaavaa.

Imm. 2.

Siunnersuisoqatigiit ataatsimiinneri piffissap atuartitsiffiusup avataani ingerlanneqassapput.

Kapitali 8.

Ataatsimoorussamik siunnersoqatigeeqarneq

§ 31.

Atuarfiit attaveqaaqatigiinnerannut siunnersuisoqatigiit, atuarfiit siulersuisuisa tamarmik ataatsimik peqataatitaqarfisaaq, ukiumut ataasiarlutik naapittassapput, atuarfeqarfimmut ataatsimoorussamik pilersaarutit oqallisigisassallugit ukiullu siuliani suliat ukiumut nalunaarusia tungavigalugit ataatsimoorussamik nalilersortassallugit.

Imm. 2.

Ilinniartitaanermi pisortaq atuarfeqarfinnik suliaqarfeqarluni aaqjissuussinermik isumaginnittuvoq, ataatsimiinnissamik piffissamik sumiiffissamillu aalajangiisuulluni, taamatullu ilaasortanik aggersaasuullunilu oqaluuserisassanik aalajangiisuvoq.

Imm. 3.

Atuarfiit attaveqaaqatigiinnerannut siunnersuisoqatigiini atuarfimmi pisortaq aalajangeeqataasinnaanani ilaasortaavoq, ataatsimiinnerinilu peqataasassalluni.

Kapitali 9.

Angajoqqaat

§ 32.

Angajoqqaat, tak. §33 Inatsisartut Inatsisaanni nr. 15, 3. decembari 2012-meersumi meeqqap atuartitaasussaatitaanermik eqqortitsinissaa akisussaaffigaat, atuartitaasussaatitaaneranullu akornusersuissanatik.

Imm. 2

Atuarfiup avataani atuarneq kommunimi atuartup najugaqarfisaaq kommunalbestyrelsimut nalunaarutigineqassaaq.

Imm. 3.

Atuartoq atuartitsinermut peqataasimanngippat angajoqqaat, ornigullutik imaluunniit allagaqarlutik tamatumunnga pissutaasoq atuarfimmut nalunaarutigissavaat. Atuanngitsoorneq sapaatip-akunneri 2 sinnerlugit napparsimanermik peqquteqarpat tamatuma nakorsamit uppernarsaaserneqarmissaa atuarfiup piumasarisinnaavaa.

Kapitali 10.
Atuutilerfissaa allannguutillu

§ 33.

Ileqqoreqqusaq una atuutilissaaq decembarip 5-ani 2013 .

Imm. 2.

Kommunalbestyrelsi sukkulluunniit ileqqoreqqusamik allanngortitsisinnaatitaavoq.

Imm. 3.

Allanngortitsinerit atuarfiit siulersuisuinik attuisunik oqaaseqaateqarteqqaarlugit taamaallat ingerlanneqarsinnaavoq.

Ileqqoreqqusaq kommunalbestyrelsemit atuutilersussatut akuerineqarpoq:

Qeqqata Kommunia, ulloq 05.12.2013



Borgmesteri
Hermann Berthelsen



Kommunimi pisortaaneq
Paneeraq Olsen